

Nos matanan:
Wayaca



E nomber latin ta **GUAIAACUM OFFICINALE** y na ingles nan ta jam'é "Tree of Life" - mata di bida. E palabra "Officinalis" kiermen "por cura", pa e motibo ey e **WAYACA** ta wordo considerá un mata medicinal. For di su bastro nan ta saca un juice cu ta bon remedi contra artritis, iritacion di piel y otro enfermedadnan parecido.

E **WAYACA** ta original di nos area - America tropical, es decir den henter Caribe y paisnan rond di Mar Caribe bo por haya e mata aki.

Su blachinan ta chikito y rondó y su flornan ta un biña clá te poco blauw. E fruta ta plat y ta consisti di 2 hokki. Den dje tin 5 simiya corá.

E palo di **WAYACA** ta masha duro. Na otro paisnan nan ta us'é pa traha entre otro: katrol y otro usonan cu ta exigí palo fuerte.

E **WAYACA** ta un mata cu no ta crece hopi halto, manera e kawara por ehempel. Su bastro (stam) ta cortico, pero su corona (kruin) ta grandi y semper jen di blachi berde, hasta den segura.

E **WAYACA** por ta un mata di adorno tambe, sea pa sombra o como rand di curá. E ta economico tambe, pasobra no tin mester di muh'é hopi, de bes en cuando ta bon. Asina mes e ta keda berde-berde y jen di blachi.

Ta facil pa planta un **WAYACA**. Djies strooi poco simiya, tapanan cu un laag fini di santo, muhanan den principio te ora bo mira cu nan a spruit. Tambe bo por saca e matanan chikito, hincanan y cuidanan den cup di papel cu tera gordo. Ora nan ta poco mas grandi bo ta planta nan caminda bo ta desea. Saca e matanan chikito cu hopi cuidao pa nan raiz no kibra. Esaki ta bai hundo y e ta mas largo cu e mata mes...

Zwitsal
perde
pa chikito...
... y grandi!



Agente exclusivo: Lenor N.V.



Chabalito

Number 5 - Año V - Januari 2003 - Afl. 2,=

